

**Ո Ր Ո Շ ՈՒ Մ թիվ - 429**  
**վարչական տույժ նշանակելու մասին**

«27» դեկտեմբերի 2021թ.

ք.Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Հովհաննես Նորիկի Մինասյանի վերաբերյալ նյութերը.

**Պ Ա Ր Զ Ե Ց Ի՝**

2021 թվականի հոկտեմբերի 27-ին ՊԵԿ մաքսանենգության դեմ պայքարի վարչության աշխատակիցները «Ալեքս Հոլդինգ» ՍՊ ընկերության մաքսային հսկողության գոտում զննման են ենթարկել «Հովուս» ՍՊԸ-ի կողմից ԻԻՀ-ից ՀՀ ներմուծված թիվ 05100010/251021/0067024 ապրանքային հայտարարագրով ձևակերպված և կանաչ ուղի մաքսային ընթացակարգով բաց թողնված բեռը:

Զննման արդյունքում պարզվել է, որ ապրանքային հայտարարագրի 1-ին ապրանքային դիրքում հայտարարագրված 780 կգ համաքաշով և 780 կգ զտաքաշով «ՄԴՖ-ի միջսենյակային դռներ շրջանակներով 7 հատ» նկարագրությամբ ապրանքի փոխարեն փաստացի առկա է 780 կգ համաքաշով և 780 կգ զտաքաշով թվով 7 հատ միջսենյակային փայտե դռներ՝ ՄԴՖ-ի համադրությամբ իրենց շրջանակներով, ինչպես նաև երկաթե շրջանակով թվով 1 հատ փայտե դուռ՝ ՄԴՖ-ի համադրությամբ:

Փաստի առթիվ «Հովուս» ՍՊԸ-ի լիազոր ներկայացուցիչ Հովհաննես Մինասյանի նկատմամբ ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ ապրանքները, որպես իրավախախտման անմիջական օբյեկտ, վերցվել և ի պահ են հանձնվել «Ալեքս Հոլդինգ» ՍՊԸ-ի մաքսային հսկողության տարածքում:

Հովհաննես Մինասյանը բացատրություն է տվել այն մասին, որ «Հովուս» ՍՊԸ-ի կողմից ԻԻՀ-ից ՀՀ ներմուծված թիվ 05100010/251021/0067024 ապրանքային հայտարարագրով ձևակերպված ապրանքների ոչ ճշգրիտ տեղեկություններով հայտարարագրումը տեղի է ունեցել սխալմունքի արդյունքում:

ՀՀ ՊԵԿ Արարատյան մաքսատուն վարչությունից ստացված պատասխան գրության համաձայն՝ «Հովուս» ՍՊԸ-ի անվամբ հայտարարագրված թիվ 05100010/251021/0067024 Ա/Հ-ը ճշգրտվել է 2021թ. դեկտեմբերի 15-ին: Ճշգրտման արդյունքում 27.10.2021թ. դրությամբ, առաջացել են պակաս հաշվարկված մաքսային վճարներ՝ ընդհանուր 225965 ՀՀ դրամի չափով (մաքսատուրքի գումար՝ 70614 ՀՀ դրամ և ԱԱՀ-ի գումար՝ 155351 ՀՀ դրամ): Ինչպես նաև հայտնել է, որ չի առաջացել ոչ սակագնային կարգավորման միջոցների ներկայացման պահանջ:

Կատարող՝ «Գ.Գ.Տ Գրուպ» ՍՊԸ-ի և պատվիրատու՝ «Հովուս» ՍՊԸ-ի միջև 27.12.2019թ կնքված մաքսային միջնորդական ծառայությունների մատուցման թիվ 27/12-001 պայմանագրի 2.5 կետի համաձայն՝ պատվիրատուն պարտավոր է ապրանքի տվյալների ճշգրտման նպատակով կամ բեռի դրա հայտարարագրման վերաբերյալ ցանկացած հարցի շուրջ կասկածներ ունենելու դեպքում կատարել բեռի նախնական զննում...), նույն պայմանագրի 2.6 կետի համաձայն՝ պայմանագրի 2"5 կետից բխող պարտավորությունները չկատարելու կամ ոճ պատշաճ կատարելու, ինչպես նաև խաբեության, կեղծիքի կամ համանման այլ արարք գործադրելու կամ անգործություն դրսևորելու դեպքում առաջացած բոլոր հնարավոր հետևանքների համար ՀՀ օրենսդրությամբ նախատեսված նյութական և այլ պատասխանատվությունը կրում է պատվիրատուն:



ԵԱՏՄ մաքսային օրենսգրքի 104-րդ հոդվածի 1-ին մասի 1-ին պարբերության և 2-րդ մասի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ օրենսգրքին համապատասխան սահմանված դեպքերում:

ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր:

ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ նաև ապրանքների մասին, որոնց մեջ ի թիվս այլոց նշվում է ապրանքների գինը, քանակը՝ արտահայտված կիլոգրամներով (համաքաշը և զտաքաշը) և չափման լրացուցիչ միավորներով:

ԵԱՏՄ մաքսային օրենսգրքի 2-րդ հոդվածի 32-րդ կետի համաձայն՝ «մաքսային հայտարարագիրը» մաքսային փաստաթուղթ է, որը պարունակում է տեղեկություններ ապրանքների վերաբերյալ կամ ապրանքների բացթողնման համար անհրաժեշտ այլ տեղեկություններ:

ԵԱՏՄ մաքսային օրենսգրքի 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

ԵԱՏՄ մաքսային օրենսգրքի 83-րդ հոդվածի համաձայն՝ որպես մաքսային ընթացակարգերով ձևակերպվող ապրանքների հայտարարատու կարող է հանդես գալ անդամ պետության անձը, որն օտարերկրյա անձի հետ կնքված այն գործարքի կողմերից է, որի հիման վրա ապրանքները տեղափոխվում են Միության մաքսային սահմանով:

Օրենսգրքի 84-րդ հոդվածի 2-րդ կետի համաձայն՝ հայտարարատուն պարտավոր է կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:



ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Հովհաննես Մինասյանը 2021 թվականի դեկտեմբերի 27-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար, սակայն վերջինս չի ներկայացել:

Այսպիսով, գործի նյութերով պարզվել է, որ «Հովու» ՍՊԸ-ի անվամբ փաստացի ՀՀ է ներմուծվել 780 կգ համաքաշով և 780 կգ գտաքաշով թվով 7 հատ միջսենյակային փայտե դռներ՝ ՄԴՖ-ի համադրությամբ իրենց շրջանակներով, ինչպես նաև երկաթե շրջանակով թվով 1 հատ փայտե դուռ՝ ՄԴՖ-ի համադրությամբ, որը թիվ 05100010/251021/0067024 ապրանքային հայտարարագրի 1-ին ապրանքային դիրքում հայտարարագրվել է 7 հատ ՄԴՖ-ի համադրությամբ միջսենյակային դռներ, ինչի հետևանքով առաջացել են 225965 ՀՀ դրամի չափով պակաս հաշվարկված մաքսային վճարներ, այսինքն՝ Հովհաննես Մինասյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է 27.10.2021թ.-ին կազմված մաքսային կանոնների խախտման վերաբերյալ արձանագրությամբ, Արարատյան մաքսատուն-վարչության 27.10.2021թ. թիվ Ն/20-1/234684-2021 գրությամբ, թիվ 05100010/251021/0067024 ապրանքային հայտարարագրով և Հովհաննես Մինասյանի բացատրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ, 221-րդ և 224-րդ հոդվածներով,

### Ո Ր Ո Շ Ե Ց Ի՝

1. Հովհաննես Նորիկի Մինասյանին (Անձնագրի համար՝ AU0212263) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել պակաս հաշվարկված մաքսային վճարների 50 տոկոսի չափով՝ 112983 ՀՀ դրամ:

/900005024055 (կող-19) հաշվեհամարին/


2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում:

3. ԵԱՏՄ մաքսային օրենսգրքի 98-րդ հոդվածի 4-րդ մասի համաձայն՝ որոշումն ուժի մեջ մտնելու օրվան հաջորդ օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:



4. Որոշման մասին հայտնել Հ. Մինասյանին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ  
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ